

Broj: 1043/23

Datum: 08.09.2023. godine

Na osnovu člana 143. Zakona o srednjem obrazovanju („Službene novine Kantona Sarajevo“, broj: 23/17, 30/19 i 33/21), člana 148. Pravila Druge gimnazije Sarajevo, Pravilnika o izmjenama i dopunama Pravilnika o vođenju pedagoške dokumentacije i evidencije u srednjoj školi i domu učenika („Službene novine Kantona Sarajevo“, broj: 34/23) na sjednici Školskog odbora JU Druga gimnazija Sarajevo održanoj dana 08.09.2023. godine, Školski odbor je donio

ODLUKU

o izmjeni i dopuni Poslovnika o radu Školskog odbora JU Druga gimnazija Sarajevo

I

(Dopuna člana 33.)

Član 33. Poslovnika o radu Školskog odbora mijenja se i glasi:

Original zapisnika sa eventualnim priložima, čuva se u sekretarijatu škole kao dokument trajne vrijednosti.

Zapisnik sjednice Školskog odbora sadrži:

- a) vrijeme održavanja sjednice;
- b) imena prisutnih i odsutnih članova;
- c) dnevni red;
- d) sadržaj rasprave na sjednicama;
- e) odluke i zaključke;
- f) potpis zapisničara, predsjednika Školskog odbora i ovjeru pečatom škole.

Zapisnik sa sjednice školskog odbora vodi se u elektronskom obliku i obaveznoj štampanoj verziji na papiru formata A4, numerisanih stranica sa potpisom predsjednika školskog odbora, lica koje vodi zapisnik i ovjerom pečata škole na svakoj stranici. Numerisanje se vrši na način da svaki novi zapisnik prati niz sa prethodne sjednice. Zapisnik se uvezuje u svesku zapisnika na kraju školske godine, u tvrdi uvez. Naslovna stranica sveske zapisnika treba da sadrži sljedeće podatke: naziv ustanove, školsku godinu, članove školskog odbora, zapisničara i predsjednika školskog odbora. Posljednja stranica treba da sadrži podatke o ukupnom broju stranica sveske zapisnika sa potpisom predsjednika školskog odbora i ovjerom pečata škole. Rok čuvanja sveske zapisnika je 10 godina."

II

(Dopuna člana 34.)

Član 34. Poslovnika o radu Školskog odbora mijenja se i glasi:

Zapisničar ne smije vršiti bilo kakvu izmjenu ili dopunu zapisnika. Za uredno vođenje zapisnika odgovoran je sekretar škole, odnosno lice koje vodi zapisnik i predsjednik Školskog odbora.

III

Ova Odluka stupa na snagu danom donošenja.

Pouka o pravnom lijeku: Odluka Školskog odbora je konačna i nije dopuštena žalba. Protiv ove Odluke može se pokrenuti upravni spor pred kantonalnim sudom u Sarajevu u roku od 30 dana od dana prijema odluke.



Predsjednik Školskog odbora


Taiba Purišević

Dostaviti:

1. Dosije ŠO
2. web stranica
3. a/a